



Persónuverndarstefna Ungmennafélagsins Sindra

1. Almennt

Ungmennafélagið Sindri, kt. 430380-0609, með aðsetur að Hafnarbraut 15 (hér eftir vísað til sem „UMF. Sindri“) leggur ríka áherslu á að vernda persónuupplýsingar sem unnið er með í starfseminni. Persónuverndarstefnu þessari er ætlað að skýra hvernig UMF. Sindri aflar og notar persónuupplýsingar og hvaða réttindi einstaklingar eiga sem skráðir eru hjá UMF. Sindra.

UMF. Sindri leitast við að uppfylla ákvæði og regluverk laga um persónuvernd sem í gildi eru á hverjum tíma. Persónuverndarstefna þessi er byggð á lögum um persónuvernd og vinnslu persónuupplýsinga, nr. 90/2018 (pvl.) og reglugerð Evrópuþingsins og ráðsins (ESB), nr. 2016/679 (rglg.).

UMF. Sindri telst vera ábyrgðaraðili í skilningi laganna og ber ábyrgð á því hvernig persónuupplýsingar eru unnar í starfseminni. Persónuverndarstefnan er aðgengileg á heimasíðu UMF. Sindra og var þessi útgáfa samþykkt þann **01.03.2022** á Aðalfundi félagsins.

2. Meginreglur Persónuverndar

UMF. Sindri hefur ávallt í huga meginreglur persónuréttar við vinnslu persónuupplýsinga. Þessar reglur fela meðal annars í sér að persónuupplýsingar séu:

- Áreiðanlegar og uppfærðar reglulega
- Unnar með lögum, sanngjörnum og gagnsæjum hætti
- Fengnar í skýrt tilgreindum og málefnalegum tilgangi
- Unnar af hófsemi og miðast við tilgang söfnunar
- Varðveittar með öruggum hætti og ekki lengur en þörf er á

UMF. Sindri leitast við að öll vinnsla persónuupplýsinga sé viðhöfð með hliðsjón af meginreglunum þannig að tryggja megi réttindi einstaklinga sem best.

3. Persónuupplýsingar sem UMF. Sindri safnar og aðferðir við öflun þeirra

Vinnsla persónuupplýsinga hjá UMF. Sindra fer í flestum tilfellum fram í tengslum við samþykktu félagsaðild eða á grundvelli lögmætra hagsmuna, samnings eða laga. UMF. Sindri vinnur meðal annars persónuupplýsingar um:

- Starfsumsækjendur
- Starfsmenn
- Félagsmenn
- Keppendur
- Viðskiptamannaupplýsingar
- Forráðamenn
- Sjálfboðaliða
- Stjórnarmenn



Ólíkum upplýsingum er safnað um ólíka flokka einstaklinga. Til dæmis er umfangs meiri upplýsingum safnað um starfsmenn heldur en félagsmenn og almenning. Dæmi um upplýsingar sem UMF. Sindri vinnur með eru:

- Starfsumsækjendaupplýsingar, svo sem nafn, kennitala, heimilisfang, fyrri störf og menntun, kunnátta og fleiri upplýsingar í tengslum við starfsumsóknir.
- Starfsmannaupplýsingar, svo sem nafn, kennitala, mynd, lögheimili, sími, netfang, starfsheiti, bankareikningur og fleira. UMF. Sindri vinnur með viðkvæmar persónuupplýsingar um starfsmenn, eins og heilsufarsupplýsingar vegna veikinda og upplýsingar um stéttarfélagsaðild.
- Félagsmanna- eða iðkendaupplýsingar, svo sem nafn, kennitala, netfang, hlutverk í hreyfingunni.
- Upplýsingar um keppendur, svo sem nafn, kennitala, kyn, íþróttagrein, árangur, heiti móts og tegund móts.
- Viðskiptamannaupplýsingar, svo sem nafn, netfang, tengsl við fyrirtæki, símanúmer, starfsheiti og samskiptasaga.
- Stjórnarmenn og sjálfboðaliðar (sakavottorð)

Persónuupplýsingarnar sem UMF. Sindri safnar og vinnur með koma að öllu jöfnu beint frá hinum skráða einstaklingi eða forráðamönnum. En geta einnig komið frá öðrum aðilum til að mynda upplýsingar sem sóttar eru úr Nóra gagnagrunninum eða Felix gagnagrunninum.

4. Hver er grundvöllur/tilgangur vinnslu persónuupplýsinga ?

UMF. Sindri vinnur persónuupplýsingar um einstaklinga á grundvelli samþykkis. Upplýsingarnar eru einkum um iðkendur og félagsmenn sem gerast aðilar að UMF. Sindra ásamt upplýsingum í markaðlegum tilgangi.

Þegar UMF. Sindri skráir upplýsingar um félagsmenn og iðkendur innan UMF. Sindra í Felix þá er það gert á grundvelli lögmætra hagsmuna sem felast einkum í lottógreiðslum, tölfræðivinnslu og sögulegum heimildum. Einnig vinnur UMF. Sindri persónuupplýsingar á grundvelli lögmætra hagsmuna vegna myndavélaeftirlits í öryggis- og eignavörslutilgangi. Í slíkum tilvikum er metið hvort grundvallarréttindi og frelsi skráðra einstaklinga vegur þyngra en hagsmunir UMF. Sindra af því að vinna upplýsingarnar.

Í sumum tilvikum vinnur UMF. Sindri persónuupplýsingar einstaklinga á grundvelli samningssambands og á það einkum við um starfsumsækjendur, starfsmenn, viðskiptamenn, iðkendur, birgja og verktaka. Það getur einnig verið í þeim tilgangi að koma slíku samningssambandi á. UMF. Sindri kann einnig að vinna persónuupplýsingar um keppendur á grundvelli samnings.

Þá fer vinnsla einnig fram til að uppfylla lagaskyldu sem hvílir á UMF. Sindra, svo sem í tengslum við útgreiðslu launatengdra gjalda, samkvæmt vinnuréttarlöggjöf eða á grundvelli jafnréttislaga, svo sem þegar það eru skráðar upplýsingar um kyn félagsmanna.

Viðkvæmar persónuupplýsingar eru einkum unnar um starfsmenn og keppendur, á grundvelli samnings og/eða lagaskyldu. Í þeim tilvikum eru viðeigandi verndarráðstafanir framkvæmdar í samræmi við gerðar kröfur.



5. Miðlun

UMF. Sindri kann að miðla persónuupplýsingum til þriðja aðila vegna ýmissa ástæðna. Til dæmis getur verið um að ræða þjónustuaðila eða verktaka sem veita ákveðna þjónustu eins og SportAblers, Sideline, Greiðslumiðlun ofl. en einnig til samtaka á borð við ÍSÍ, UMFÍ, USÚ, og sveitarfélaga eins og Hornafjarðarbæ. Getur þá verið nauðsynlegt að veita slíkum aðila aðgang að persónuupplýsingum.

Þegar slíkir aðilar hafa aðgang að persónuupplýsingum vegna eðli þjónustunnar sem um ræðir tryggir UMF. Sindri að aðeins séu afhentar persónuupplýsingar sem eru nauðsynlegar og að um ábyrga vinnsluaðila sé að ræða sem bjóða upp á þjónustu sem uppfyllir skilyrði persónuverndarlaga, m.a. með tilliti til öryggis persónuupplýsinga.

6. Öryggi

Mikið er lagt upp úr öryggi persónuupplýsinga hjá UMF. Sindra og hefur verið gripið til viðeigandi tæknilegra og skipulagslegra ráðstafana til að vernda persónuupplýsingar, með hliðsjón af eðli og umfangi vinnslu. Meðal annars með innleiðingu ferla og verklags, sem og tæknilegra öryggisráðstafana, sem taka tillit til eðli upplýsinganna sem um ræðir og áhættu fyrir skráða einstaklinga.

Verði öryggisbrestur sem varðar persónuupplýsingar og hefur í för með sér áhættu fyrir skráða einstaklinga mun UMF. Sindri tilkynna slíkt án ótilhlýðilegra tafa til Persónuverndar. Í ákveðnum tilfellum ber UMF. Sindra einnig að tilkynna skráðum einstaklingum um öryggisbresti.

7. Varðveisla

UMF. Sindri geymir persónuupplýsingar í þann tíma sem nauðsynlegt er til að uppfylla tilgang vinnslu, nema lengri geymslutíma sé krafist eða hann leyfður samkvæmt lögum. Lög sem okkur ber að fylgja eru til að mynda lög um bókhald sem kveða á um 7 ára geymslutíma gagna.

Sé möguleiki á því að þörf verði fyrir persónuupplýsingar síðar til að uppfylla lagaskyldu eða vegna lögmætra hagsmuna, mun UMF. Sindri varðveita þær persónuupplýsingar með eins öruggum hætti og nauðsyn ber til.

8. Réttindi skráðra einstaklinga

Einstaklingar geta óskað eftir upplýsingum um vinnslur UMF. Sindra og einnig geta þeir óskað eftir því að nýta önnur réttindi sín með því að senda skriflega fyrirspurn á netfangið: sindri@umfsindri.is. Dæmi um réttindi einstaklinga eru:

- Aðgangur að persónuupplýsingum
- Afrit af persónuupplýsingum, réttur til leiðréttingar og eyðingar
- Mótmæla vinnslu og/eða takmarka vinnslu
- Draga til baka samþykki fyrir vinnslu
- Óska eftir því að persónuupplýsingar séu fluttar til annars aðila

Einstaklingar kunna að eiga frekari réttindi í tengslum við vinnslu UMF. Sindra á persónuupplýsingum. Þá kann framangreint að vera háð takmörkunum sem leiða meðal annars af lögum eða lögmætum hagsmunum UMF. Sindra. Við munum óska eftir staðfestingu á auðkenni þeirra einstaklinga sem virkja



réttindi sín, svo sem með ökuskírteini, vegabréfi eða rafrænum skilríkum, til að tryggja það að upplýsingar berist ekki í hendur óviðkomandi aðila.

9. Samskipti við UMF. Sindra og Persónuvernd

Fyrirspurnum vegna persónuverndarmála UMF. Sindra er unnt að beina á netfangið sindri@umfsindri.is eða í gegnum síma 478-1989. Komi upp ágreiningur um meðferð persónuupplýsinga er unnt að senda kvörtun til Persónuverndar. Finna má upplýsingar um hvernig hafa skal samband við stofnunina hér: www.personuvernd.is.

10. Breytingar á persónuverndarstefnu UMF. Sindra

Persónuverndarstefnan er endurskoðuð reglulega og kann því að taka breytingum. Breytingar á stefnunni öðlast gildi við birtingu á heimasíðu UMF. Sindra, sbr. www.umfsindri.is/

Samþykkt á Aðalfundi UMF. Sindra þann **01.03.2022**